

【一行三昧】（科註第一〇九八頁第二行）

《三藏法數》：「出文殊師利所說摩訶般若波羅蜜經」

梵語三昧，華言調直定，又云正定。一行三昧者，惟專一行，修習正定也。

謂修行之人，應處空閑，捨諸亂意，繫心實理，想念一佛，專稱名字，隨佛方所，端身正向，能於一佛念念相續而不懈怠，於一念中即能得見十方諸佛，獲大辯才也。